

# SCRIPTA

**Numéro Scripta :** 4230

**Auteur(s) :** Robert de Torigni, Le Mont-Saint-Michel, Le Mont Saint-Michel (abbé)

**Bénéficiaire(s) :** La Lucerne-d'Outremer, Sainte-Trinité de La Lucerne (abbaye)

**Genre d'acte :** lettre

**Authenticité :** non suspect

**Datation :** 1165

**Lieu d'émission :** Le Mont-Saint-Michel

**Action juridique :** autre

**Langue du texte :** latin

## Analyse

L'abbé Robert et les moines du Mont-Saint-Michel concèdent aux chanoines de Sante-Trinité de La Lucerne les biens sur lesquels un accord a été conclu entre deux abbayes.

## Tableau de la tradition

### Éditions principales

- a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Luzerne, n° XII, p. 10-11.

Texte établi d'après a

Robertus abbas ecclesie Sancti Michaelis de periculo maris et ejusdem loci conventus venerabilibus in Christo fratribus Ansgoto abbati totique conventui Sancte Trinitatis de Lucerna salutem. Petitionibus vestris gratum impertinentes assensum concedimus vobis, intuitu pietatis, quandam collem vestro monasterio imminentem qui terminis istis limitatur : id est a rupe que sursum proeminet usquedum per Albam Spinam ad viam perveniat et a summitate collis usque ad locum in quo confluit Tharnesia in Tharnum. Concedimus etiam vobis illud tantillum terre quod est inter predictum collem et alveum Tharni ; terram quoque illam quam venerabilis predecessor noster donnus Bernardus abbas dedit vobis et illam quam commutatione quadam recepit a nobis Willelmus de Sancto Johanne et ab ipso vestris usibus est collata. Ex hac autem gratuita donatione sive concessione preter orationum suffragia, quibus amodo nostre fraternitatis sotietas non desinet invicem subvenire, nichil commodi temporalis requirimus nisi quod ad causas domus nostre, vel ecclesiasticas vel seculares, abbas vester cum reverentia evocatus aut de fratribus vestris aliqui nobiscum debeat, vel sine nobis, nostris tamen sumptibus et impensis, proficiisci. Hec autem inter nos sotietatis erit conventio ut, auditio obitu cuiuslibet monachorum nostrorum, unusquisque vestrum qui sacerdotes fuerint missam unam pro eo celebret, et nos quoque id idem pro vobis reciprocem faciemus. Actum est hoc publice in capitulo Montis anno ab incarnatione Domini M C LXV. II Nonas decembris, presidente universali catholice ecclesie Alexandro papa III, et regnante Henrico glorioso rege Anglie et duce Normannie et Aquitanie et comite Andegavie, istis presentibus : Willelmo abbatte de Fulgeriis, Ansgerio priore, Guillelmo de Sancto Johanne, Ricardo de Lexaius (sic), Ricardo de Veino et aliis multis.